



STATEN di ARUBA

Fraccion di Movimiento Electoral di Pueblo

STATEN VAN ARUBA
Ingek. 02 SEP 2014
Volgnr.: IS/954/13-14

Na Presidente di Parlamento
Sra. Drs. M.J. Lopez-Tromp
Presente

Aruba, 2 september 2014

Topico: Introduccion di un “Financial Transfer Tax”

Respetable Presidente,

Pa medio di e carta aki suscrito den nomber di Fraccion di MEP, a base di articulo III.7 di nos Constitucion y articulo 59 di Reglamento di Ordo di Parlamento di Aruba, ta haci un peticion na bo persona pa entrega e carta aki incluyendo anexo cu preguntanan na Minister di Asuntonan General.

Atentamente,
Den nomber di Fraccion di MEP

Lider di Fraccion di MEP
mr. E. C. Wever-Croes

✓/a

Preguntanan di miembro di Parlamento, señora mr. Evelyn C. Wever-Croes na Minister di Minister Presidente/Asuntonan General señor mr. M. G. Eman, conforme articulo III.17 di nos Constitucion y conforme articulo 59 di Reglamento di Orden di Parlamento di Aruba

Den un comunicado di prensa recién publica, Fraccion di MEP a tuma nota di e hecho cu Minister Presidente a anuncia un tipo di impuesto nobo jama "Finanancial Transfer Tax". Esaki ta algo cu pa promer biaha ta bini dilanti pasobra durante e proceso di tratamiento di presupuesto 2014 y den e documentonan correspondiente suministra na Parlamento, nunca e impuesto aki a wordo menciona.

Den cuadro di transparencia y pa compronde mihor e impuesto nobo aki Fraccion-MEP kier a haya contesta riba e siguiente preguntanan:

- 1) Si Minister por a duna nos e definicion exacto di e "Financial Transfer Tax"?
- 2) Si Minister por a duna nos e fecha di introduccion di e impuesto aki?
- 3) Si Minister por a duna nos un splicacion amplio riba cual tipo di transfers (transaccionan financiero) e impuesto aki lo ta aplicabel?
- 4) Si Minister por a informa nos cuanto placa gobierno ta spera cu lo por genera como entrada for di e impuesto aki?
- 5) Si Minister por haci un distincion entre transfers di un individuo y esnan haci door di compañía?
- 6) Si Minister por duna nos un splicacion riba e procedura di colecta e placa di impuesto aki?

Minister a informa tambe cu lo bai crea un fondo aparte pa por cubri proyectonan PPP. Nos fraccion kier haya contesta riba e siguiente preguntanan:

Den principio Gobierno pa medio di entradanan general di impuesto ta aloca placa pa diferente proyecto. Ademas pa diferente proyectonan cu Gobierno tin riba plan of cu mester ehecuta ainda tin fundacionnan/fondonan specifico manera SOGA y IWIF cu tin e fondonan necesario cu lo cubri e proyectonan aki.

7) Señor Minister por aclarea pakiko mester un fondo adicional y dicon e cuidadano mester contribui cu esaki siendo cu ta p'esey e ta paga impuesto caba?

8) Señor Minister por suministra Parlamento e relatonan financiero y of documentonan relevante unda cu por mira e fondonan disponibel pa zowel SOGA y fondonan manera IWIF?

Tin intencion pa crea un instituto independiente pa maneha e fondo aki.

9) Señor Minister por splica pakiko e fondonan aki no ta bai den "algemene middelen"?

Un instituto nobo ta rekeri un localidad y tambe personal.

10) Señor Minister por aclarea for di unda e personal lo wordo recluta y cuanto e gasto total lo bira den operación?

11) Señor Minister por splica si Parlamento lo mester sigui duna aprobacion riba proyectonan apesar cu lo tin un instituto independiente?

Nos lo aprecia si Minister por contesta e preguntanan aki por escrito mas pronto cu ta posibel, conforme Reglamento di Orden.

Atentamente,
Den number di Fraccion di MEP

Lider di Fraccion di MEP
mr. E. C. Wever-Croes

